

11. februar 2014

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaatattu saqqummiuppakka:

- 1. Assersuutigalugu Danmarkimut napparsimasut katsorsartikkiartortussat ilaqtutanik qimataannut attaveqarnissamut periarfissaat pillugit paasissutissat suut ilisimatitsissutigineqartarpat?**
- 2. Paasissutissat suut qanorlu ittut, peqqissartut ataasiakkaat Danmarkimiinnerminnut nunaniluunniit allamiinnerminnut atatillugu ilaatigut ulluinnarni pisariaqartinnejartunut akiliunneqarsinnaerannut ilisimatsitsissutigineqartarpat.?**
- 3. Peqqinissaqarfip tungaanit inuit katsorsartereernermik kingorna ippigisanik misigisinnaasaat pillugit qanoq ilisimatinneqartarpat?**
- 4. Nunatsinni katsorsartittut naammagittaalliorfigisinnaasaat pillugit qanoq ilisimatinneqartarpat?**
- 5. Peqqissartoq nakorsap nappaammik suussusiineranut nalornisillugu, qanoq annertutigisumik peqqissartoq nakorsamit allamit misissorneqartarpa?**
- 6. Misissuinermut atatillugu aaviinermi aalajangersimalluinnartunik periusissiaqarpa?**
- 7. Nunatsinni peqqinissaqarfik napparsimasunut sukumiisumik misissorterusuttunut itigartinneqarnermillu kingorna, namminneq akilikkaminnik napparsimavinnut namminersorlutik ingerlasunut inuunerminnik uppernarsakkamik annaaniartunut peqqinissaqarfik qanoq iliuuseqartarpa?**
- 8. Napparsimasut siuliani taaneqartut innuttaasut allat assigalugit, aningaasartuutinik uppernarsarneqarsinnaasunik utertitsivigineqarlutik akeqanngitsumik katsorsarneqarnissamut pisinnaatitaaffeqarpat?**
- 9. Napparsimasut katsorsartissimasut napparsimasut maalaartarfiannit aningaasartuutiminnik utertitsinissamut itigartinneqartut qanoq iliorfigineqartarpat/iliorfingineqarsinnaappat?**

(Per Berthelsen, Siumut)

Tunngavilersuut:

Ukiut marluk matuma siorna napparsimarujuussuarpunga, qaammatinilu arlalinni Danmarkimi maanilu Dronning Ingridip napparsimavissuani nalallunga.

Napparsimavimmi nalatilluni nakorsanut upperinninneq annertoorujussuanngortarpoq, taakkulu napparsimavinni avatangiisaasut oqaasii malinnejalersarput.

Apeqquetaqatima ilaata tunngavigaa ilaatigut peqqissartut Akiliutip Kalaallit Nunaata avataani atorneqarsinnaannginneranik ilisimasaqanngitsut, taamaammallu akiliisinnaanissamut periarfissaqanngivissut naapittarsimagakkit.

Naak napparsimavimmi sullinneqarneq tamakkiisumik qujarunnaraluartoq, taamaattoq immikkoortut aamma ulluinnarni eqqarsaatiginarsinnaasunik ilaqarput, soorluttaaq amigaateqarsorinarlutik, taamaattoqarneranilu kiserliortutut misigisimanartarluni.

Apeqquima ullut suliffiusut qulit iluanni akineqarnissaat kissaatigaara.